

**Program podrške zaštiti ljudskih prava (USAID/INSPIRE)
Projekti podržani od USAID/INSPIRE u komponenti podrške LGBTQI+ zajednice u BiH
koji su u toku**

Godina dodjele grantova: 2021. i 2022. g.

Naziv organizacije i webstranica	Sjedište organizacije	Naziv projekta i ukratko o projektu
<p>Tuzlanski otvoreni centar (TOC)</p> <p>https://www.toc.ba/</p>	<p>Tuzla</p>	<p>NAZIV PROJEKTA: Unaprjeđenje sistema podrške LGBTQI osobama u Tuzlanskom kantonu</p> <p>Tuzlanski otvoreni centar (TOC) osnažuje kapacitete javnih institucija Tuzlanskog kantona za pružanje usluga LGBTQI osobama, te kroz ovaj projekat proširuje program aktivnosti osnaživanja LGBTQI osoba u Tuzlanskom kantonu.</p> <p>Projekt se bavi poboljšanjem položaja lezbejki, gejeva, biseksualnih, trans i interspolnih osoba, kroz edukaciju predstavnika lokalnih javnih institucija o LGBTQI pitanjima kako bi na nediskriminatoran način pružale usluge LGBTQI osobama, kao i širenjem mreže podrške LGBTQI osobama kroz prilagođavanje programa rada njihovim stvarnim potrebama i problemima na području Tuzlanskog kantona.</p> <p>Kroz projekt TOC istražuje probleme i potrebe LGBTQI zajednice u Tuzlanskom kantonu i kreira protokol o postupanju u slučajevima nasilja i slučajevima diskriminacije nad LGBTQI osobama u Tuzlanskom kantonu. Kroz aktivnosti se stvara most podrške između LGBTQI zajednice i javnih institucija.</p>
<p>Omladinska novinska asocijacija u BiH (ONAuBiH)</p> <p>https://onaubih.ba/</p>	<p>Sarajevo</p>	<p>NAZIV PROJEKTA: Iza duge: priče, životi i stvaranje LGBTQI+ osoba, njihovih porodica i saveznika</p> <p>ONAuBiH afirmativno povećava reprezentaciju glasova mladih LGBTQI osoba u sigurnom medijskom prostoru na Karikama na način da u formi bloga pišu o svome iskustvu i tako educiraju heteroseksualne i cisrodne vršnjake o svome iskustvu. Također, ONAuBiH potpomaže edukaciju šire javnosti o pravima, položaju i životima LGBTQI osoba putem slobodnog i sigurnog izražavanja iskustva porodica, prijatelja i saveznika LGBTQI osoba kroz formu bloga, kao i u formu videa sastavljenih od pitanja i odgovora između heteroseksualnih i LGBTQI osoba u svrhu edukacije heteroseksualnih mladih vezano za nedoumice i pitanja koja imaju u vezi sa životom i iskustvom LGBTQI zajednice u BiH. Također, projektom se osnažuje i afirmira kroz medijski prostor ONAuBiH magazina kvir kultura kao</p>



USAID
OD AMERIČKOG NARODA

		način senzibiliziranja, educiranja i informiranja šire javnosti o LGBTQI zajednici u BiH. Projekat se u potpunosti realizira online na medijskim platformama Karika, ONAuBiH-a i partnerskog udruženja "Okvir".
Sarajevski otvoreni centar (SOC) https://soc.ba/	Sarajevo	NAZIV PROJEKTA: Unaprjeđenje prava i položaja transrodnih osoba u BiH Sarajevski otvoreni centar uključuje trans osobe/zajednice, kao i roditelje u aktivno zagovaranje za pravno priznavanje rodnog identiteta i pokrivanje troškova prilagodbe spola kroz sistem zdravstvenog osiguranja i podizanje svijesti javnosti i lokalnih zajednica. Projekt zagovara pravnu promjenu spola tako da se razviju zakonska rješenja koja će na sistematski i sveobuhvatan način regulisati proceduru promjene oznake spola u ličnim dokumentima i jedinstvenog matičnog broja na osnovu vlastitog zahtjeva trans osobe i prava na samoodređenje, bez zahtjeva za prethodno bilo kakvom medicinskom intervencijom.
Helsinški odbor za ljudska prava https://helcommrs.org/	Bijeljina	NAZIV PROJEKTA: Jednake šanse za zapošljavanje i dostojanstvo na radu LGBTQI osoba u BiH Helsinški odbor za ljudska prava unapređuje zakonodavni, politički i društveni okvir i mehanizme vezane za zaštitu radničkih prava LGBTQI osoba u BiH i efikasnu zabranu i sankcionisanje diskriminacije na osnovu seksualne orijentacije, rodnog identiteta, rodnog izražavanja i seksualnih karakteristika u javnom i privatnom zapošljavanju i promovira politike i prakse koje kao cilj imaju borbu protiv diskriminacije zasnovane na seksualnoj orijentaciji ili rodnom identitetu, te politike rada koje njeguju različitost na radnom mjestu, zajedno s inicijativama koje potiču potpunu uključenost i poštivanje LGBTQI zaposlenika u radnom okruženju.
Centar za psihološku podršku Sensus https://www.sensu-smostar.com/	Mostar	NAZIV PROJEKTA: Unaprjeđenje psihosocijalne podrške za LGBTQI zajednicu Centar za psihološku podršku Sensus kreira i provodi edukacije za psihologe, psihoterapeute i druge stručnjake iz oblasti mentalnog zdravlja, kao i za studente master studija psihologije sa Univerziteta "Džemal Bijedić" u Mostaru, kao dio njihove stručne prakse. Navedene edukacijske aktivnosti uključuju edukaciju stručnjaka i budućih stručnjaka (studenata) o pitanjima mentalnog zdravlja i pristupu radu s LGBTQI osobama. Drugi važan segment projekta usmjeren je na jačanje kapaciteta institucija i organizacija civilnog društva za pružanje besplatne psihološke podrške LGBTQI osobama u



USAID
OD AMERIČKOG NARODA

		<p>Mostaru i Banja Luci. Dakle, projekt uključuje kako rad s praktičarima mentalnog zdravlja na poboljšanju njihovih vještina za rad s LGBTQI osobama, tako i pružanje besplatnih usluga mentalnog zdravlja pripadnicima LGBTQI zajednice u Mostaru i Banja Luci.</p>
<p>Omladinska novinska asocijacija u BiH (ONAuBiH)</p> <p>https://onaubih.ba/</p>	<p>Sarajevo</p>	<p>NAZIV PROJEKTA: Sve boje duge: pristup LGBTIQ+ temama unutar medijskog diskursa</p> <p>ONAuBiH doprinosi smanjenju homofobije, bifobije i transfobije među mladima u BiH kroz različite medijske sadržaje na temu LGBTQI ljudskog iskustva i aktivnosti koje promoviraju suživot i toleranciju. Također, ONAuBiH provodi istraživanje koje se temelji na analizi sadržaja najposjećenijih online medija kako bi se identificirale najčešće teme koje su problematične unutar ovog složenog područja, žanrove kroz koje se one oblikuju, a prvenstveno novinarski pristup ovim temama. Kao neposredni i trajni rezultat istraživanja planirana je izrada i distribucija kratkog priručnika o kvalitetnom novinarskom pristupu izvještavanju o LGBTQI temama.</p>
<p>Helsinški odbor za ljudska prava</p> <p>https://helcommrs.org/</p>	<p>Bijeljina</p>	<p>NAZIV PROJEKTA: Sigurne škole za LGBTI mlade – Za slobodu u različitosti izvan četiri zida!</p> <p>Helsinški odbor za ljudska prava doprinosi stvaranju sigurnog i nediskriminirajućeg školskog okruženja za LGBTQI mlade u Bosni i Hercegovini, kroz smanjenje homo/bi/transfobije i zlostavljanja na temelju seksualne orijentacije ili rodnog identiteta među mladima, te na zaštiti ljudskih prava LGBTI srednjoškolske populacije. Ovim projektom se senzibilizira i jačaju kapaciteti psihologa i pedagoga u srednjim školama u BiH o poštivanju ljudskih prava, seksualne orijentacije i rodnog identiteta te načinima učinkovite prevencije homofobnog i transfobnog nasilja. Dodatno, informiraju se i podiže se razina svijesti učenika o homo/bifobnom i transfobnom nasilnom ponašanju, načinima borbe protiv ove vrste nasilja te načinima pružanja pomoći vršnjacima koji su žrtve homo/bifobije i transfobičnog nasilja.</p>



USAID
OD AMERIČKOG NARODA

<p>Sarajevski otvoreni centar (SOC)</p> <p>https://soc.ba/</p>	<p>Sarajevo</p>	<p>NAZIV PROJEKTA: Jačanje društveno-političkog položaja LGBTIQ osoba u BiH</p> <p>Sarajevski otvoreni centar provodi istraživanje o potrebama i problemima LGBTIQ zajednice u Bosni i Hercegovini, kako bi se dobio što cjelovitiji uvid u stavove i percepcije LGBTIQ osoba kada je u pitanju njihov svakodnevni život, izazove i probleme s kojima se susreću, kao i specifične potrebe zajednice. Istraživanje je svojevrsni nastavak istraživanja Sarajevskog otvorenog centra iz 2013. i 2017. godine. Osim toga, provodi se i istraživanje stavova javnog mnijenja o homoseksualnosti, transrodnosti i interspolnosti, na reprezentativnom uzorku za BiH, uz pomoć angažirane specijalizirane agencije za istraživanje javnog mnijenja.</p>
---	-----------------	---